

四庫全書

經部


欽定四庫全書

禮書卷四十

宋 陳祥道 撰


禮書圖

湯沐之邑




# 夏世室

堂修二七廣四修一五室三四步四三尺九  
 階四旁兩夾窻白盛門堂三之二室三之一



商重屋

堂修七尋堂崇三尺四阿重屋  
與夏世室同而其屋兩重耳




周明堂

度九尺  
之筵南

北七筵堂崇一

筵五室凡室二

筵



湯沐之邑

王制曰方伯為朝天子皆有湯沐之邑於天子之縣內

視元士

給齊戒潔清之田浴用湯沐用瀡

春秋桓二年鄭伯以璧假許

田左氏曰鄭人請復祀周公卒易祊田三月鄭伯以璧

假許田為周公祊故也穀梁曰假不言以言以非假也

非假而曰假諱易地許田地者魯朝宿之邑也邠者鄭

伯之所受命而祭泰山之邑用見魯之不朝於周而鄭

之不祭泰山也

泰山非鄭境內從天巡狩受命而祭也

公羊曰許田者何

魯朝宿之邑也諸侯時朝乎天子天子郊諸侯皆有朝

宿之邑此魯朝宿之邑也則曷為謂之許田諱取周田

也曷為謂之許近許也此邑也其稱田何田多邑少稱

田邑多田少稱邑

諸侯來朝當有所住止故賜邑於遠郊其實天子地諸侯不得專也桓公

專以與鄭背叛當誅故深諱之若暫假借

定四年召陵之會衛祝鮒私於襄

弘曰衛取於有閭之土以共王職

有閭衛所受朝宿邑

取於相土

之東都以會王之東蒐

為湯沐邑

周本紀曰鄭怨桓王與魯

易許田許田天子之用事泰山田也魏公子傳公子無



忌留趙趙王以鄔為公子湯沐邑湯沐朝宿之邑也不  
曰朝宿而曰湯沐者齋戒以見君也

古者諸侯於王畿有朝宿之邑泰山有湯沐之邑王  
制曰方伯為朝天子皆有湯沐之邑於縣內視元士  
則凡非方伯其邑不得視元士也不然諸侯湯沐之  
邑多矣盡王畿其足以容之乎許田魯侯湯沐之邑  
也祊鄭伯從祭泰山湯沐之邑也邑非諸侯之所得  
專魯鄭專而易之此春秋所以譏也昔祝鮀盛稱魯

衛晉國之封而衛有湯沐之邑則湯沐之邑豈諸侯之所均也漢諸侯皆有邸於京師武帝令諸侯各治邸泰山下蓋先王之遺制也先王之時湯沐邑皆有所賦漢初民無蓋藏高祖於是省禁輕租自天子以至封君湯沐邑皆各為私奉養不領於天子之經費

見食貨志

夏世室

堂修二七廣四修一五室三四步四三尺九階四旁兩夾窻白盛門堂三之二室三

之一

商重屋

堂修七尋堂崇三尺四阿重屋與夏世室同而其屋兩重耳

周明堂

度九尺之筵南北七筵堂崇一筵五室凡室二筵

考工記曰夏后氏世室堂修二七廣四修一五室三四

步四三尺九階四旁兩夾窻白盛門堂三之二室三之

一殷人重屋堂修七尋堂崇三尺四阿重屋周人明堂

度九尺之筵東西九筵南北七筵堂崇一筵五室凡室

二筵

鄭氏曰世室宗廟也重屋者王宮正堂若大寢也明堂者明政教之堂此三者或舉宗廟或舉王寢

或舉明堂互言之以明其同制

月令孟春天子居青陽左个

青陽左个大寢東堂

北

仲春居青陽太廟

東堂當大室

季春居青陽右个

東堂南偏

孟夏

居明堂左个

大寢南堂東偏也

仲夏居明堂太廟

明堂云廟南堂當大室也

季

夏居明堂右个

南堂西偏也

中央居太廟太室

中央室也

孟秋居總

章左个

大寢西堂南偏

仲秋居總章太廟

西堂當大室也

季秋居總章右

个

西堂北偏

孟冬居玄堂左个

北堂西偏也

仲冬居玄堂太廟

北堂當太

室

季冬居玄堂右个

北堂西偏

明堂位昔者周公朝諸侯于明

堂之位天子負斧依南嚮而立三公中階之前北面東上

諸侯之位阼階之東西面北上諸伯之國西階之西東面

北上諸子之國門東北面東上諸男之國門西北面東上  
九夷之國東門之外西面北上八蠻之國南門之外北面  
東上六戎之國西面之外東面南上五狄之國北門之外  
南面東上九采之國應門之外北面東上四塞世告至此  
周公明堂之位也明堂者明諸侯之尊卑也又曰太廟天  
子明堂詩曰我將祀文王於明堂孝經曰昔者周公郊祀  
后稷以配天宗祀文王於明堂以配上帝月令季秋大饗  
帝唐月令九月大享於明堂樂記祀乎明堂而民知孝祭

義祀乎明堂所以教諸侯之孝也王藻曰天子聽朔於南

門之外閏月則闔門左扉立于其中

南門謂國門也天子廟及路寢皆如明堂

制明堂在國之陽每月就其時之堂而聽朔焉卒事反宿路寢亦如之閏月非常月也聽其朔於明堂門中還處路

終月

左傳曰勇則害上不登於明堂孟子稱齊宣王問曰

人皆謂我毀明堂毀諸已乎孟子曰夫明堂者王者之堂

也王欲行王政則勿毀之矣家語曰孔子觀於明堂觀四

門墉有堯舜桀紂之象各有善惡之狀廢興之誠荀子強

國篇曰雖為之築明堂於塞外而朝諸侯使殆可也孔穎

達曰孝經緯云明堂在國之陽又異義淳于登說明堂在三里之外七里之內故知南門亦謂國城南門也在國之陽丙巳之地三里之外七里之內水木用事交於東北木火用事交於東南火土用事交於中央金土用事交於西南金水用事交於西北周人明堂五室帝一室大戴禮盛德篇云明堂九室室有四戶八牕三十六戶七十二牕蓋之以茅上圜下方其外水名辟雍明堂月令說曰堂高三丈東西九仞南北七筵九室十二堂四戶八牕宮三百步在近郊三

十里又云堂方百四十四尺坤之策也屋園徑二百一十六尺乾之策也太廟明堂方三十六丈通天屋徑九丈陰陽九六之變且園蓋方載六九之道也八閭以象八卦九室以象九州十二宮以應十二辰三十六戶七十二牖以四戶八牖乘九十之數也戶皆外設而不閉示天下不藏也通天屋高八十一尺黃鍾九九之實也二十八柱列於四方亦七宿之象也堂高三尺以應三統四鄉五色各象其行外博二十四丈以應節氣也又戴



德云明堂辟雍是一物周禮孝經說以明堂為文王廟  
左傳魯僖公五年既視朝遂登觀臺服氏云人君入太  
廟視朔天子曰靈臺諸侯曰觀臺在明堂之中文公二  
年服氏云明堂祖廟並與鄭說不同鄭注玉藻云天子  
廟及路寢皆如明堂制即鄭意以為三者名異而同制  
云小學在公宮之左大學在郊即云天子曰辟雍是學  
不得與明堂同為一物又天子宗廟在雉門之外孝經  
緯云明堂在國之陽玉藻又云聽朔於南門之外是明

堂與宗廟別處不得為一也蔡邕明堂章句云明堂者天子太廟所以宗祀周謂明堂東曰青陽南曰明堂西曰總章北曰玄堂中曰太室人君南面故主以明堂為名在其五堂之中央皆曰太廟饗射養老教學選士皆於其中故言其正室之貌則曰太廟取其尊崇則曰太室取其堂則曰明堂取其四時之學則曰大學取其周水園如璧則曰辟雍雖各異名而事實一也袁准正論明堂宗廟太學事義同各有所為而代之儒者合為一體

取詩書放逸之文經典相似之語推而致之考之人情失之遠矣宗廟之中人所致敬幽隱清淨鬼神所居而使衆學處焉饗射於中人鬼慢黷死生交錯囚俘截耳瘡痍流血以干鬼神非其理也茅茨采椽至質之物建日月乘玉輅以處其中非其類也夫宗廟鬼神之居而祭天於人鬼之室非其處也王者五門宗廟在一門之內若在廟而張三侯又辟雍在內人物衆多非宗廟之中所能容也如准所論與鄭義合或以周時德澤洽和

蒿茂以為宮柱名蒿宮此天子之路寢也呂氏春秋曰  
茅茨蒿柱土階三等漢武帝封泰山泰山東北趾有古  
時明堂處儉不敞上欲理明堂奉高旁未曉制度濟南  
公玉帶上黃帝時明堂圖其制中有一殿四面無壁以  
茅蓋通水水圜宮垣為複道上有樓從西南入名崑崙  
天子從之以拜祀上從之隋無明堂而季秋大享嘗寓  
雩壇唐高祖太宗時寓于圜丘貞觀中禮部尚書豆盧  
寬國子助教劉伯莊議從崑崙道上層以祭天下層以

布政而太子中允孔穎達以為非侍中魏徵以謂五室  
重屋上園下方上以祭天下以布政自前世儒者所言  
雖異而為如此者多同至於高下廣狹丈尺之制可以  
因事制宜也秘書監顏師古曰周書敘明堂有應門雉  
門之制以此知為王者之常居爾其青陽總章玄堂太  
廟左右介皆路寢之名也文王居明堂之偏帶弓韜禮  
高禘九門磔禳國有酒以合三族推其事皆與月令合  
則皆在路寢也大戴禮曰在近郊又曰文王之廟也此

奚足以取信哉且門有臯庫豈得施於郊野謂宜近在  
宮中徵及師古等皆當世名儒其論止於此高宗時改  
元總章分萬年置明堂縣示欲必立之而議者紛然或  
以為五室或以為九室而高宗依兩議以帝幕為之與  
公卿臨觀而議益不一乃下詔率意班其制度至取象  
黃琮琮上設鵠尾其言益不經而明堂亦不能立至則  
天始毀東都乾元殿以其地立明堂制度淫侈無復可  
觀皆不足紀其後火焚之既而又復立開元五年玄宗

遺將作大匠康誓素毀之誓素以為勞人乃去其上層  
易以真瓦而迄唐之世季秋大饗皆寓園丘

明堂之名見於周頌孝經左傳孟子荀卿考工記禮  
記家語其制不見於經特考工記曰夏后氏世室堂  
修二七廣四修一五室三四步四三尺九階四旁兩  
夾窻白盛門堂三之二室三之一商人重屋修七尋  
堂崇三尺四阿重屋周人明堂度九尺之筵凡室二  
筵此三代明堂之別也

南北為修東西為廣夏堂修  
二七則十四步也其廣益以

四分修之一則十七步有半也室三四步四角室各  
三步也四三尺則東西益廣各三尺而中四尺也以  
此計之南北室各一丈八尺與大室二丈四尺則六  
丈也東西室亦一丈八尺而各益三尺大室亦二丈  
四尺而益四尺則七丈也門堂三之二以堂修之十  
四步三分取二而南北九步二尺矣堂廣十七步者  
半三分取二而東夏世室商重屋周明堂則制漸文  
南十一步四尺矣夏度以步商度以筵則堂漸廣矣夏言  
堂修廣而不言崇商言堂修而不言廣言四阿而不  
言室周言堂修廣崇而不言四阿其言蓋皆互備鄭  
康成曰夏堂崇一尺商堂廣九尋理或然也月令中



央太室東青陽南明堂西總章北玄堂皆分左右个

與太廟則五室十二堂矣明堂位前中階阼階賓階

旁四門而南門之外又有應門則南三階東西北各

二階而為九階矣

考工記五室九階

蓋木室於東北火室於

東南金室於西南水室於西北土室於中央其外別

之以十二堂通之以九階環之以四門而南門之外

加以應門此明堂之大略也大戴禮白虎通韓嬰公玉

帶淳于登桓譚鄭康成蔡邕之徒其論明堂多矣特

淳于登以為在國之陽三里之外七里之內其說蓋  
有所傳然也何則聽朔必於明堂而玉藻曰聽朔於  
南門之外則明堂在國之南可知成王之朝諸侯四  
夷之君咸列四門之外而朝寢之間有是制乎則明  
堂在國之外可知然大戴謂九室三十六戶七十二  
牖上園下方公玉帶謂為一殿居中覆之以茅環之  
以水設之以複道通之以樓鄭康成謂明堂太廟路  
寢異實同制

康成以春秋書世室屋壞明堂位稱魯  
公之廟文世室武公之堂武世室則以

考工記所謂世室為廟重屋為寢或舉王寢或舉明堂互言之蔡邕謂明堂太廟辟雍同實異名其豈然哉諸侯之廟見於公食大夫有東西房東西夾而已天子路寢見於書亦東西房東西夾又東序西序東堂西堂而已則太廟路寢無五室十二堂矣謂之明堂太廟路寢異實同制非也宗廟居雉門之內而教學飲射於其中則莫之容處學者於鬼神之宮享天神於人鬼之室則失之瀆衰准嘗攻之矣則謂之明堂太廟辟雍同實異名非也彼

蓋以魯之太廟有天子明堂之飾晉之明堂有功臣  
登享之事乃有同實異實之論是不知諸侯有太廟  
無明堂特魯放其制晉放其名也四時之氣春為青  
陽夏為朱明秋為白藏冬為玄英則青者春之色春  
者陽之中故春堂名之總者物之聚章者文之成故  
秋堂名之明者萬物之相見玄者萬物之復本故冬  
夏之堂名之左右之堂曰介以其介於四隅故也中  
之堂曰太廟以其大享在焉故也古者鬼神所在皆

謂之廟書與士虞以嬪宮為廟則大享在焉謂之太廟可也明堂之作不始於周公而武王之時有之記曰祀乎明堂而民知孝是也不特建之於內而外之

四岳亦有之孟子之時齊有泰山之明堂是也

荀子強國

篇曰雖為之築明堂於塞外而朝諸侯使殆可也漢有奉高明堂

月令言明堂之制

則然其言四時乘異路載異旂衣異衣用異器則非也明堂位言朝諸侯於明堂則然其言周公踐天子之阼負宸而受朝則非也何則王者迎五氣則於東

南西北之四郊禮六神則以蒼黃青赤白玄之牲玉  
象四時以巡岳順閏月以居門而天地之間罔不欽  
若則十二月之異堂聽朔不為過也若夫車旂之辨  
見於巾車司常衣冠之等見於弁師司服皆無四時  
之異禮運曰五色十二衣旋相為質郎顗曰王者隨  
天自春徂夏改青服絳非古制也書曰周公位冢宰  
正百工詩序曰周公既成洛邑朝諸侯乃率以祀文  
王蓋成王宅憂周公位冢宰而百工總已以聽焉及

既成洛邑輔成王以朝諸侯詩序言朝諸侯乃率以  
祀文王則朝不在廟而在明堂可知也若曰周公代  
之而受朝則誤矣且周公之東征也稱王命然後往  
其居東也俟王察已然後復則周公事成王如此孰  
謂敢代之乎代之之說始於荀卿盛於漢儒於是以  
復子明辟為還政之事以誕保文武受命惟七年為  
還政之時是皆不知書者也

禮書卷四十



欽定四庫全書

禮書卷四十一


宋 陳祥道 撰



禮書圖  
明堂朝諸侯之位




壇壝宮



方明

木為之  
六色



明堂朝諸侯之位

周禮治朝之位孤東面卿大夫西面外朝之位左孤卿右公侯伯子男射人孤東面卿大夫西面皆尚右東西面者皆尚北路門之左右者皆尚中而明堂位諸侯西面諸伯東面則不尚右在門東西者東上則不尚中在西門之外者東面南上則有不尚北何也儀禮諸侯覲於天子壇壝宮於國外上介皆奉其君之旗置於宮尚左公侯伯子男皆就其旗而立位皆

東上是朝於國外與朝於國內之禮異也明堂位與  
壇壝宮相類蓋亦國外之禮然也先王之於夷狄  
後之而弗先賤之而弗貴故疆以戎索和以舌人食  
之則委之牲體而坐諸外樂則不使亂雅而陳於門  
則位夷蠻於東南之門外位戎狄於西北之門外宜  
矣漢蕭望之欲貴單于於諸侯之上賈誼欲高堂邃  
宇以壞其腹親酌而手食之以壞其心蓋不知此

壇壝宮

諸侯親於天子為宮方三百步四門壇十有二尋深四

尺加方明於其上

四時朝覲受之於廟此謂時會殷同也宮謂墮土為埴以象牆壁也為宮

者於國外春會同則於東方夏會同則於南方秋會同則於西方冬會同則於北方八尺曰尋十有二尋則方九十六尺也深謂高也從上曰深司儀職曰為壇三成猶重也三重者自下差之為三而上有堂焉堂上高二丈四尺上等中等下等每面十二尺方明者上下四方神明之象也上下四方之神者所謂神明也會同而盟明神監之則謂之天之司盟有象者猶宗廟之有主乎王巡狩至于方嶽之下諸侯會之亦為此宮以見之司儀職曰將會諸侯則命為壇三成

宮旁一門詔王儀南鄉見諸侯也

方明者木也方四尺

設六色東方青南方赤西方白北方黑上玄下黃設六

玉上圭下璧南方璋西方琥北方璜東方圭上介皆奉

其君之旗置於宮尚左公侯伯子男皆就其旗而立於

宮者建之豫為其君見王之位也諸公中階之前北面  
東上諸侯東階之東西面北上諸伯西階之西東面北  
上諸子門東北面東上諸男門西北面東上尚左皆建  
旗公東上侯先伯伯先子子先男而位皆上東方也諸  
侯入壇門或在或右各就其旗而立王降階南鄉見  
之三揖土揖庶姓時揖異姓天揖同姓見揖位乃定四  
傳擯王既揖五者升壇設擯升諸侯以會同之禮其奠  
瑞玉及享幣公拜於上等侯伯於中等子男於下  
等擯者每延之升堂致命王受玉撫玉降拜於下等及  
請事勞皆如覲禮四傳擯者每一位畢擯者以告乃更  
陳列而升其次公也侯也伯也各一位子男俠門而俱  
東上亦一位也至庭乃設擯則諸侯初入門王官之伯

帥之耳

天子乘龍載大旆象日月升龍降龍出拜日於東

門之外反祀方明禮日於南門外禮月與四瀆於北門

外禮山川丘陵於西門外祭天燔柴祭山川丘陵升祭川沈

祭地瘞司儀掌九儀之賓客擯相之禮以詔儀容辭令

揖讓之節

出接賓曰擯入贊禮曰相以詔者以禮告王

將合諸侯則令為壇

三成宮旁一門

合諸侯謂有事而會也為壇於國外以命事宮謂墮土以為牆處所謂為壇墮

宮也天子春帥諸侯拜日於東郊則為壇於國東夏禮日於南郊則為壇於國南秋禮山川丘陵於西郊則為壇於國西冬禮月四瀆於北郊則為壇於國北既拜禮而還加方明於壇上而祀焉所以教尊卑也覲禮曰諸



侯觀於天子為宮方三百步四門壇有十二尋深四尺是也王巡狩殷國而同則其為宮亦如此歟鄭司農云三成三重也爾雅曰丘一成為敦丘再成為陶丘三成為昆命丘為三重詔王儀南鄉見諸

侯土揖庶姓時揖異姓天揖同姓謂王既祀方明諸侯上介皆奉其君之旗

置於宮乃詔王升壇諸侯皆就其旗而立諸公中階之前北面東上諸侯東階之東西面北上諸伯西階之西東面北上諸子門東北面東上諸男門西北面東上王揖之者定其位也庶姓無親者土揖推手小下之也異姓婚姻也時揖平推手也衛將軍文子曰獨居思仁公言言義其聞詩也一日三復白圭之玷是南宮縚之行也夫子信其仁以為異姓故及其擯之各以其禮公於上妻之也天揖推手小舉之也

等侯伯於中等子男於下等

謂執玉而前見於王也擯之各以其禮者謂擯公者五人

侯伯四人子男三人也上等中等下等者謂所奠玉處也壇三成深四尺則一第一尺也壇十有二尋方九十六尺則堂上二丈四尺每等丈二尺與諸侯各於其等奠玉降拜明臣禮也既乃升堂授玉其將幣亦如之

將幣享也禮謂以鬱鬯裸之也皆於其等之上

掌舍掌王之會同之舍設

控桓再重

控桓謂行馬再重者以周衛有內外別

為壇壝宮棘門

以戟為門掌

次朝日祀五帝則張大次小次設重帟合諸侯亦如之諸侯朝覲會同則張大次小次師氏凡祭祀賓客會同喪紀軍旅王舉則從聽治亦如之使其屬帥四夷之隸各以其兵服守王之門外且蹕朝在野外則守內列

虎賁氏掌先後王而趨以卒伍軍旅會同亦如之舍則  
守王閑節服氏掌祭祀朝覲袞冕六人維王之太常司  
兵軍事建車之五兵會同亦如之司戈盾軍旅會同授  
貳車戈盾建乘車之戈盾授旅賁及虎士戈盾及舍設  
藩盾行則歛之

朝覲宗遇之禮行於廟朝會同之禮行於國外  
壇土為宮方三百步旁各一門中為壇而三成壇十  
有二尋深四尺旁一門則棘門矣壇三成則三重矣

十有二尋則方九十六尺矣深四尺則一等一尺矣  
春宮於東夏宮於南秋宮於西冬宮於北加方明於  
壇上天子既拜日禮月與山川丘陵則祀方明既祀  
方明則見諸侯諸侯上介奉其君之旗置於宮尚左

左氏曰  
會有表

鄭氏謂諸公中階之前北面東上諸侯東階

之東西面北上諸伯西階之西東面北上諸子門東  
北面東上諸男門西北面東上公侯先伯伯先子子  
先男而位皆東上然覲禮不言壇堦而鄭氏曰前三

階者以其宮四門而位尚左與明堂位相類故也不  
言侯氏奠玉降拜升拜而鄭氏曰公奠玉於上等降  
拜於中等侯伯奠玉於中等降拜於下等子男奠玉  
於下等降拜於地升成拜皆於奠玉之處者以其致  
命王受之王降拜升拜與覲於廟相類故也掌次王  
合諸侯張大次小次設重帟重案鄭氏謂大次初往  
所止居小次卽宮待事之處賈公彥謂大次去壇遠  
小次去壇近其說是也壇域君子所設以行禮者也

故去祧有壇凡祭天及日月方望之類皆有壇齊侯

為柯之盟有壇公羊曰莊公升壇是也諸侯適隣國

有壇左氏曰

襄二十六年

先君適四國未嘗不為壇是也

大夫士去國為壇位鄉國而哭魯公孫歸父聘還及  
笙壇帷復命於介是也况王者之會諸侯乎司儀言  
將合諸侯令為壇則凡巡狩於方岳之下皆有壇壇  
宮矣

方明

木為之  
六色

覲禮方明者木也方四尺設六色東方青南方赤西方白北方黑上玄下黃設六玉上圭下璧南方璋西方琥東方圭北方璜鄭氏曰方明者上下四方神明之象也會同而盟明神監之則謂天之司盟有象者猶宗廟之有主乎六色象其神六玉以禮之上宜以蒼璧下宜以黃琮而不以者則上下之神非天地之至貴者也設玉者刻其木而著之然司盟曰凡邦國有疑會同則掌其盟約之載書及其禮儀北面詔明神

左氏曰不協而盟又曰不協之故用昭乞盟於爾大神則凡會同不必皆盟也鄭氏以會同必盟方明之設為盟而已其說拘矣方明之制方四尺之木設上下四方之色上圭以象天神之制用下璧以象地示之居體東圭而南璋西琥而北璜各象其方而禮之天子拜日禮月與四瀆山川丘陵畢則升壇以祀方明既而退方明以朝諸侯其或盟則復加方明於壇而以載辭告之覲禮於春言拜日於夏秋冬言禮日



月與四瀆山川丘陵鄭氏曰變拜言禮者客祀也其  
說以為春無盟誓不祀方明特拜日以教尊尊而已  
三時盟誓祀方明豈為盟誓而已哉言祀與禮蓋互  
見也漢律厯志引書伊訓曰太甲元年伊尹祀於先  
王誕資有牧方以冬至越弗與緋同祀先王於方明以  
配上帝其文與今書不同不可考也

禮書卷四十一

欽定四庫全書

禮書卷四十二

宋 陳祥道 撰

禮書圖  
珠盤



玉敦



桃




菊



聘儀

室



盟  
詛

珠盤

玉敦

周禮司盟掌盟載之法凡邦國有疑會同則掌其盟約之載及其禮儀北面詔明神既盟則貳之盟萬民之犯命者詛其不信者亦如之有獄訟者則使之盟詛各以其地域之衆庶共其牲而致焉既盟則為司盟共祈酒脯玉府若合諸侯則共珠盤玉敦

賈公彥曰禮敦盛黍稷今盟無黍稷敦中



宜盛血牛耳宜在盤戎右盟則以玉敦辟盟遂役之贊牛耳挑荊

封人凡喪紀賓客軍旅大盟飾其牛牲司寇凡邦之大盟約涖以盟書而登之於天府大史內史司會及六官皆受其貳而藏之覲禮諸侯覲於天子為宮方三百步四門壇十有二尋深四尺加方明於其上天子乘龍載大旗象日月升龍降龍出拜日於東門之外反祀方明帥諸侯而朝日於東郊所以教尊尊也退而朝諸侯由此二者言之已祀方明乃以會同之禮見諸侯也凡會同者不協而盟司盟職曰凡邦國有疑會同則掌其盟約之載書及其禮儀北面詔明神既盟則貳之言北面

詔明神則明神有象者其方明乎及盟時又  
加於壇上乃以載辭告焉詛祝掌其祝號  
禮日於南

門外禮月與四瀆於北門外禮山川丘陵於西門外

此謂

會同以夏冬秋者也變拜言禮者客祀也禮月於北郊  
者月太陰之精以為地神也盟神必云日月山川者尚  
著明也詩曰謂予不信有如皦日春秋傳曰縱祭天燔

子忘之山川神祇其忘諸乎皆用神明為信也

柴祭山丘陵升祭川沈祭地瘞

升沈必隨就祭者也就祭則是謂王巡狩及諸

侯之盟祭也郊特牲曰郊之祭也迎長日之至也大報  
天而主日也宗伯職曰以實柴祀日月星辰則燔柴祭  
天謂祭日也柴為祭日則祭地瘞者祭月也日月而云天  
地靈之也王制曰王巡狩至於岱宗柴是王巡狩之盟  
其神主日也春秋傳曰晉文公為踐土之盟而傳云山  
川之神是諸侯之盟其神主山川也月者太陰之精上

為天使臣道莫貴焉是王官之  
伯會諸侯而盟其神主月與  
禮記曰涖牲曰盟又曰

周人作會而民始疑也  
詩曰君子屢盟亂是用長春

秋書盟多矣或書盟或書同盟  
莊十六年二十七年同

於馬陵十五年同盟於戚十八年同盟於虛打襄三年  
同盟於雞澤九年同盟於戲二十五年同盟於重丘

或書會盟  
僖十九年  
或盟於不地  
文三年公及晉侯盟

二十一年衛  
與及而不稱公  
莊十九年會齊侯宋公云

盟於宿莊二十二年及齊高偃盟於防僖二十九年夏  
會王人云云盟於翟泉文二年及晉處父盟十年秋及

獲子盟於女栗襄十五年  
二月及宋向戌盟於劉  
左傳叔向曰明王之制再朝

而會以示威再會而盟以顯昭明子太叔曰文襄之霸也諸侯有事而會不協而盟荀卿與穀梁曰盟詛不及三王史記平原君適楚毛遂謂楚王之左右曰取鷄狗馬之血來毛遂奉銅盤而跪進之楚王曰王當歃血而定從於殿上毛遂左手持盤血而右手招十九人曰公相與歃此血於堂下公等錄錄音祿所謂因人成事者也漢高帝刑白馬以盟

先王之時結民以忠信誠慤之心維邦國以比小事

大之禮然盟詛之末常不弛於天下使人明則知好惡幽則知信畏然後有同德而無離心則盟詛之輔於教也其可忽哉周禮有盟萬民有盟諸侯有詛萬民之不信有叙國之信用則盟詛固有大小矣司盟若合諸侯則共珠盤玉敦戎右以玉敦辟盟贊牛耳桃茢封人凡賓客軍旅大盟飾牛牲其未殺也飾以文繡其殺也寘之于坎加書其上

襄二十六年左傳曰宋伊戾將譖太子痤楚客過宋太子野享之伊

戾獻用牲加書徵之而騁告公曰太子將為亂既與楚客盟矣曲禮曰涖牲曰盟

盤以盛耳敦以

盛血尸之者執耳

左氏哀十七年公會齊侯盟於蒙孟武伯問於高柴曰諸侯盟誰執

牛耳季羔曰鄆行之役吳公子姑曹發陽之役衛石魋武伯曰然則彘也定八年晉師盟衛侯衛人請執

牛耳涉佗成何曰衛吾溫原也焉得大者先軟小者

亞之

哀十三年吳晉爭先國語曰吳先軟晉亞之又晉語宋之盟楚人請先軟霸王之勢在德不在

先軟定四年祝鮀曰晉文踐土之盟衛成公弟猶先蔡有玉帛以禮明神

哀十二年

子貢曰盟有玉帛以奉之有桃茢以祓不祥既盟則以盟書登於

天府太史內史司會及六官皆受其貳而藏之然則

司盟共祈酒脯則既殺以盟於前又用酒脯以祈於

後也覲禮諸侯覲天子春拜日秋禮山川丘陵冬禮月與四瀆而繼之以祭天燔柴祭山丘陵升祭川沈祭地瘞鄭氏謂升沈必就祭謂王巡狩也王巡狩之盟其神主曰諸侯之盟其神主山川王官之伯會諸侯其神主月歟經言祭天而鄭氏言祭日經言祭地而鄭氏言祭月且方明以象上下四方而經傳凡言主盟者多稱明神

司盟北面詔明神左傳僖二十八年王子虎盟諸侯於王庭曰有干

此盟明神殛之襄九年子駟子展曰明神不蠲要盟哀十二年子貢曰盟所以周信也明神以要之昭十

三年叔向曰昭明於神盟也

曰司慎司盟名山名川羣神羣祀先

王先公七姓十二國之祖齊語桓公與諸侯飾牲為載以約誓於上下庶神則諸侯之盟非特主山川也鄭氏謂王之盟主日諸侯主山川王官之伯主月其禮無據瑕禽曰平王東遷吾七姓從王王賜之駢旒之盟杜預曰言得重盟不以鷄犬蓋駢旒之盟非王賜者不得用也

襄十年

詛祝掌盟詛類造攻說禴禴之

祝號作盟詛之載辭以叙國之信用以質邦國之劑



信

載辭為辭而載之於策坎用牲加書於其上也

詩曰出此三物以詛爾斯

毛氏曰君以豕

臣以犬民以鷄左傳曰鄭伯使卒出殯行出犬雞以

詛射穎考叔

百人為卒二十五人為行

書無逸曰否則厥口詛祝

鄭氏曰大事曰盟小事曰詛賈公彥曰盟者盟將來

詛者詛往過然季武子作三軍盟諸僖閔詛諸五父

之衢

襄十一年

陽虎已丑盟桓子於稷門之內庚寅大詛

又盟三桓於周社盟國人於亳社詛於五父之衢

定五

年六

月鄭伯使卒出殯行出犬雞以詛射穎考叔者是

盟有繼之以詛詛有不繫於盟則大事必盟而或詛  
詛以詛往過而或為將來也詩曰出此三物以詛爾  
斯毛氏曰君以豕臣以犬民以鷄蓋以鄭伯使卒與  
行出此三物辨而等之其詳不可考也周禮左傳天  
子諸侯之盟皆執牛耳而衛太子蒯瞶與伯姬與瑕  
以盟蓋下人君之禮也然盟詛皆坎牲加書以告明  
神其異者盟有執耳歃血既盟有祈而無詛是也春  
秋之盟有適一時之急而不用牲者若子任割臂以

盟莊公華元登楚子反之牀子反懼而與之盟此皆  
假行其禮而不用牲也春秋之盟或尋或同或乞或  
要或逃或渝或盟君以大夫或辱人以城下日以長  
亂莫之或熄皆先王之罪人也

桃

蒚

鄭氏曰蒚蒺轔也說文曰蒚茗也古者人君出戶則  
巫覡有事弔臣則桃蒚在前開冰則桃弧棘矢以除

其災致膳則葷桃茢以辟凶邪

膳於君有葷桃茢於大夫去茢於士去葷

則盟用桃茢宜矣蓋桃茢凶邪之所畏避者也觀古人度朔之論桃湯之用則桃又過於茢矣

### 聘儀

輕財重禮交人之道也聽命達言使者之事也三輔人語輕財曰聘則聘之為義可知矣古者比年小聘三年大聘小聘曰問大聘曰殷聘殷中也盛也既歲聘矣中復盛聘此周禮所以言殷相聘春秋傳所以

言殷聘禮也周禮又言殷覲曰視殷覲以除天下之  
慝時問以諭諸侯之志玉人璪圭璋八寸璧琮八寸  
以覲聘鄭氏特來曰聘衆來曰覲聘有圭覲有璋蓋  
覲為除慝而已故其儀物殺也書於四時之中皆曰  
殷漢天文志於衡星殷南斗殷中州河濟之間則殷  
中也易有殷薦儀禮有殷奠傳有殷祭左傳曰祭以  
特牲殷以少  
牢公羊曰五則殷盛也然則周禮所謂殷同殷國以  
年而再殷祭  
衆來為盛也所謂殷相聘以間聘為中也左傳曰先

王之制諸侯之喪士弔大夫送葬惟加好聘享三軍之事於是乎使卿則小聘之問雖不享有獻不及夫人主人不筵几不禮面不升不郊勞其禮如為介介然則小聘蓋亦卿爾以其與君為禮也鄭氏曰小聘使大夫其說無據聘雖有國者之禮而其下亦有焉故凡聘女曰聘問人曰聘是也春秋書王臣來聘八諸侯之臣來聘二十有五

隱七年天王使凡伯來聘僖二十年天王使宰

周公或稱名或稱字

南季父家父祭叔

或稱弟

隱七年桓

三年齊侯使其弟年來聘

或稱公子或稱公孫

襄元年冬衛侯使公孫櫟來聘五年

夏鄭伯使公

或稱人

莊三十三年

或不稱氏

文九年

子發來聘

荆人來聘

或不言使

莊一十三年祭叔來

椒來聘十二年秦伯使術來聘

或不言使

莊一十三年祭叔來

聘其褒貶輕重各稱其事非可以一端求也穀梁曰

聘諸侯非正趙子曰凡言聘則知君使矣曷為又稱

君以別乎不當稱使也此說非也凡聘所以通好則

天子之於諸侯非不可以行聘也祭叔不言使所以

譏其專行諸侯之遣使非不可以稱使也聘大夫之

事也稱弟稱子譏之也公羊曰大夫來曰聘仍叔之  
子譏父老子代也啖子曰凡夷狄朝聘皆稱人



禮書卷四十二


欽定四庫全書

禮書卷四十三


宋 陳祥道 撰

禮書圖


王及諸侯寢廟制




大夫士寢廟制  
之五架屋




內九室




外九室



大次



小次





王及諸侯寢廟制

周禮宮人掌王之六寢之修

六寢者路寢一小寢五玉藻曰朝辨色始入君日出

而視朝退適路寢聽政使人視大夫大夫退然後適小寢釋服是路寢以視事小寢以時燕息焉春秋書魯莊

公薨於路寢僖公薨於小寢則人君非一寢明矣司士居虎門之左司王朝

虎門

路寢門也王日視朝於路寢門外畫虎焉以明勇猛於守宜也大僕建路鼓於大寢之

門外而掌其政

大寢路寢也如今寢殿端門下矣

匠人營國內有九室

九嬪居焉外有九室九卿朝焉

內路寢之裏也外路門之表也

又曰王

宮門阿之制五雉宮隅之制七雉士冠禮設洗直於東

榮榮翼室也周制自卿大夫以下其室為夏屋正義曰兩下屋為夏榮即今之搏風士昏禮納

采賓升西階當阿致命阿棟也入堂深亦親燕禮設洗當東雷

人君為殿居之正義曰天子諸侯屋皆四注少牢禮主人獻祝祝拜於席上

坐受室中迫狹也正義曰大夫廟室皆兩下五架棟北一架後乃為室必知然者昏禮賓當阿致命鄭云

阿棟也入堂深明不入室是棟北乃有室也鄉射禮曰序則物當棟堂則物

當楣是制五架之屋也正中曰棟次曰楣前曰廡覲禮記凡侯於東廂王即席乃

設之東廂東夾喪服傳曰子不私其父則不成其為父相朔待事之處

故有東宮有西宮有南宮有北宮書有西序東序東西廂謂

序之

西夾西廂夾室

西房東房

西房西夾坐東東房東廂夾室

賓階阼階左塾

右塾東堂西堂

東西廂之前堂

東垂西垂

東西之階上

側階

側階北階畢

門

路寢門名畢門

晉語曰天子之室斲其椽而礲之加密石焉

諸侯礲之大夫琢之士首之禮記檀弓曰伯高死於衛

赴於孔子孔子曰吾惡乎哭諸師吾哭諸寢朋友吾哭

諸寢門之外王制寢不踰廟文王世子公若有出疆之

政庶子以公族之無事者守於公宮正室守太廟

正室適子

也

諸父守貴宮貴室諸子諸孫守下宮下室又曰世子

朝夕至於大寢之門外內則由士以上皆異宮大夫七

十而有閤天子之閤左達五右達五公侯伯於房中五

大夫於閣三士於坵一又曰妻將生子居側室

側室謂夾之室

次燕寢也

夫齊則不入側室之門又曰國君世子生三日卜

士負之吉者宿齊朝服寢門外詩負之又曰異為孺子

室於宮中又曰妻以子見於丈夫入門升自阼階立於

阼西鄉妻抱子出自房當楣又曰世子生則君阼階名

之

人君見世子於路寢見妻子就側室凡子生皆就側室

又曰妾子生三月見於

內寢

內寢適妻寢也

公庶子就側室庶人無側室玉藻朝辨色

始入君日出而視之退適路寢聽政使人視大夫大夫

退然後適小寢釋服

小寢燕寢也

又曰將適公所宿齋戒居

外寢雜記路寢成則考之又曰婦見舅姑皆立於堂下

見諸父各就其寢喪大記君夫人卒於路寢大夫世婦

卒於適寢內子未命則死於下室遷尸於寢士之妻皆

死於寢

君謂之路寢大夫謂之適寢士或謂之適室世婦以君下寢之上為適寢內子卿之妻也下室

其燕處也

詩斯干曰築室百堵西南其戶

毛云西鄉南鄉戶也箋云此築室者

謂築燕寢天子之寢者左右房西其戶者異於一房者之室戶也又云南其戶者宗廟及路寢制如明室每室四尺是室一南戶爾闕宮曰松桷有舄路寢孔碩也大殷武曰是

斷是遷方斲是虔松桷有挺旅楹有閑寢成孔安春秋

莊三十二年公薨於路寢公羊曰路寢何正寢也何休曰天

子諸侯皆有三寢一曰高寢二曰路寢三曰小寢父居高寢子居路寢孫從王父母妻從夫寢夫人居小寢

穀梁曰小寢非正寢也范氏曰小寢內寢定十五年公薨于高

寢穀梁曰高寢非正寢也僖二十年西宮災公羊曰西

宮者何小寢也小寢則曷為謂之西宮有西宮則有東

宮矣魯子曰以有西宮亦知諸侯之有三宮

西宮者小寢內室楚

女所居也禮諸侯取三國女以楚女居西宮知二國女於小寢內各有一宮也禮夫人居中宮少在前右媵居西宮左媵居東宮少在後

爾雅釋宮曰宮謂之室室謂之宮牖戶之

間謂之扆其內謂之家東西牆謂之序西南隅謂之奧西北隅謂之屋漏東北隅謂之宦東南隅謂之突兩階間謂之鄉中庭之左右謂之位門屏之間謂之宁宮中之門謂之闥其小者謂之閨小閨謂之閤門側之堂謂之塾宮中街謂之壺廟中路謂之唐堂途謂之陳室有

東西廂曰廟無東西廂有室曰寢尚書大傳曰天子之  
堂廣九雉三分其廣以二為內五分內以一為高東房  
西房北堂各三雉公侯七雉三分其廣以二為內五分  
內以一為高東房西房北堂各二雉伯子男五雉三分  
其廣以二為內五分內以一為高東房西房北堂一雉  
士三雉三分其廣以二為內內以一為高有室無房堂廣  
間相去也雉長三尺內堂東西序之內也其桷天子斲  
高穹高也今士禮有房此云無房堂也之大夫達稜士首本庶人到加礩礪之也密石天子賁  
砥之也稜菱也



庸

賁大也牆謂之庸大牆正直之牆

諸侯䟽杼

䟽猶衰也杼亦廡也衰殺衰殺其上不得正直

士大夫有石材

柱下質也

庶人有石承

當柱下而已不出外為飾也

爾雅曰室有東西廂曰廟無東西廂有室曰寢西南

隅謂之奧西北隅謂之屋漏東北隅謂之宦東南隅

謂之寗東西牆謂之序牖戶之間謂之扆宮中之門

謂之闈門側之堂謂之塾以書考之天子路寢之制

室居中左戶右牖東西有房又有東序西序東堂西

堂東垂西垂

東西垂東西階之上

賓階阼階

狄設黼扆牖間南嚮東西序西階陳

寶西夾數席東西房陳服器大輅在賓階綴輅在阼階執殓立東垂執瞿立西垂執銳立側階側階北階

也

房之南有東西夾室鄭康成釋儀禮謂房當夾室

北是也孔安國謂西房西夾室東房東夾室誤矣諸

侯路寢與大夫士之室皆東西房士喪禮男子髻髮

于房婦人髻于室喪大記主人即位于戶內婦人髻

于房士禮婦人髻于室在男子之西則諸侯之禮婦

人髻于房為西房矣士亦有西房而婦不於此髻者

尊卑之別然也公食大夫於廟宰夫饌于東房贊者

負東房大夫立于東夾南宰東夾北則諸侯之廟亦

東西房東西夾矣

夾室內則謂之達

少牢禮司宮尊兩甒于

房戶之間士冠鄉飲亦尊于房戶之間特牲禮尊于

戶東皆指東房言之非謂無東房也鄉飲記曰席出

自左房鄉射記曰出自東與大射諸侯擇士之官宰

胥薦脯醢由左房其言相類蓋言左以有右言東以

有西則大夫士之房室與天子諸侯同可知鄭氏曰

大夫士無西房誤矣然房皆南戶而無北牖室有北

牖而無北堂則房戶之外由半以南謂之堂其內由半以北亦謂之堂昏禮尊于房戶之間是房有南戶矣禮大射羞膳者升自北階立于房中而不言入戶是房無北牖矣昏禮尊于室中北牖下是室無北堂矣故昏禮洗在北堂直室東隅則北堂在房之北可知

大夫士寢廟制

五架之屋

天子諸侯之寢廟四阿有雷士大夫則五架有榮而

己五架之制棟居中而南北薦簷曰庑棟庑之間曰楣昏禮賓當阿致命

阿棟也

則是大夫士之廟室設於

棟北矣少牢禮主人獻祝設席南面祝拜于席上則是大夫士之廟室迫狹矣爾雅曰無東西廂有室曰寢其文對廟言之則廟寢也鄭氏謂天子路寢大廟明堂同制豈非惑於明堂位太廟天子明堂之說乎所謂太廟天子明堂者蓋其崇其飾與明堂同非必五室四門一如明堂也不然書言路寢詳矣而無是

制何耶

內九室

外九室

考工記曰內有九室九嬪居之外有九室九卿朝焉  
鄭氏曰內路寢之裏也外路門之表也九室如今朝  
堂諸曹治事處然周禮有王宮有后宮則路寢之後  
有小寢五皆王宮也九嬪所居則后宮耳內宰所謂  
王之北宮是也

大次

小次

幕人凡朝覲會同軍旅田役祭祀共其帷幕幄帟堂  
次掌王次之法以待張事王大旅上帝則張氈案設  
皇邸朝日祀五帝則張大次小次設重帟重案合諸  
侯亦如之師田則張幕設重帟重案諸侯朝覲會同  
則張大次小次師田則張幕設案孤卿有邦事則張  
幕設案蓋案所據之案邸所宿之邸大次初往則止

之大幄也小次待事與退俟之小幄也朝日祀五帝  
合諸侯張大次小次而不設氊案皇邸師田張幕而  
不設大幄小幄者次氊與皇羽者皇德之象德不稱  
此不足以格上帝也大幄小幄者蔽飾之具師田而  
張之非所以與衆皆作也




禮書卷四十三

欽定四庫全書

禮書卷四十四

宋 陳祥道 撰



禮書圖  
王六寢




后六宫



諸侯三寢



夫人三宮



卿大夫士二寢



卿大夫士之妻二寢






士庶子宿衛制


鄭司農云在內為次在外為舍

鄭康成云衛王宮者必居四角四中徽  
候便也次其宿衛所在舍其休沐之處



# 虎士五隸守衛之制

周垣下  
為區廬



王六寢

后六宮

諸侯三寢

夫人三宮

卿大夫士二寢

卿大夫士之妻二寢

周官宮人掌王宮六寢之修女御掌御序於王之燕  
寢大僕掌建路鼓於大寢之門外春秋書莊公薨於

路寢僖公薨于小寢書西宮災公羊曰路寢正寢也  
西宮小寢也有西宮則有東宮以有西宮知諸侯之  
有三宮也玉藻曰君日出視朝退適路寢聽政使人  
視大夫大夫退然後適小寢釋服左傳曰齊人遷襄  
公殯于大寢宋大尹盟于小寢之庭文王世子曰正  
室守太廟諸父守貴宮貴室諸子諸孫守下宮下室  
內則公庶子生就側室內宰正歲令于王之北宮以  
陰禮教六宮又曰王后帥六宮之人昏義曰古者天

子后六宮祭義曰諸侯卜三宮之夫人使蠶穀梁曰  
甸粟而納之三宮喪大記曰大夫世婦卒於適室內  
子未命死于下室遷尸于寢上士之妻皆死于寢士  
喪禮士死適室朔月若薦新則不饋于下室蓋王六  
寢后六宮諸侯三寢夫人三宮王大寢一小寢五諸  
侯大寢一小寢二大寢謂之路寢又謂之正寢小寢  
謂之燕寢又謂之少寢大寢聽政嚮明而治也故在  
前小寢釋服燕息也故在後先儒謂王小寢五而一

寢在中四寢於四角春居東北夏居東南秋居西南  
冬居西北土王之月居中后之六宮亦正宮在前五  
宮在後其制如王之五寢諸侯小寢二而東西建焉  
春夏居東寢秋冬居西寢夫人三宮亦正宮在前二  
宮在後其制如諸侯之三寢自卿以下二寢正寢居  
前燕寢居後其妻二寢亦如之理或然也何則諸侯  
三宮而有東宮西宮則正寢在中可知退適小寢則  
小寢在後可知魯定公之時有高寢蓋變亂禮法而

名其寢耳何休曰諸侯三寢一曰高寢二曰路寢三曰小寢妄也

士庶子宿衛制

鄭康成云衛王宮者必居四角四  
中徽候便也次其宿衛所在舍其

休沐之處鄭司農云  
在內為次在外為舍

小宰掌建邦之宮刑以治王宮之政令凡宮之糾禁正  
歲以宮刑憲禁于王宮其有不共國有大刑宰夫正歲  
則以法警戒羣吏令修宮中之職事書其能者與其良  
者以告于上宮正掌王宮之戒令糾禁以時比宮中之

官府次舍之衆寡爲之版以待夕擊析而比之國有故  
則令宿其比亦如之辨外內而時禁穡其功緒糾其德  
行幾其出入均其稍食去其淫急與其奇衰之民會其  
什伍而教之道藝月終則會其稍食歲終則會其行事  
凡邦之大事令于王宮之官府次舍無去守而聽政令  
宮伯掌王宮之士庶子凡在版者掌其政令行其秩叙  
作其徒役之事授八次八舍之職事若邦有大事作宮  
衆則令之月終則均秩終歲則均叙以時頒其衣裳掌



其誅賞大胥凡祭祀之用樂者以鼓徵學士序宮中之  
事士師掌國之五禁之法一曰宮禁漢中郎將分掌三  
字郎有議郎中郎侍郎郎中凡四等皆秦官無員多  
至千人皆掌門戶出充車騎故卿校尉牧守待價於此  
公車特徵賢良方正敦樸有道高節公府掾曹試博士  
者亦充茲位其下第白衣試博士者皆拜郎中中郎者  
有五宮左右三將郎中有車戶騎三將

如淳曰主車曰車郎主衛曰戶

郎漢舊儀曰郎中令主郎中左右車將主左右車郎左右戶將主左右戶郎

凡郎官皆主更

直執戟宿衛諸殿門惟議郎不在直中郎官故事令出  
錢市財用給文書乃得出號曰山郎凡三字郎官二漢  
並屬光祿勳光祿選三字郎有行應四科者歲舉茂才  
二人四行二人又上兼吏六人為長理劇明帝時館陶  
公主為子求郎帝不許賜錢千萬曰郎官上應列宿出  
宰百里有非其人民受其殃後代親衛之府一曰親府  
勳衛之府二一曰勳一府二曰勳二府翊衛之府二一  
曰翊一府二曰翊二府凡五府武德貞觀世重資蔭二

品三品子補親衛二品曾孫三品孫四品子職事官五品子若孫勲官三品以上有封及國公子補勲衛及率府親衛四品孫五品及上柱國子補翊衛及率府

周禮宮正掌王宮之戒令糾禁以時比宮中之官府次舍之衆寡爲之版以待宮伯掌王宮之士庶子凡在版者鄭康成曰官府之在宮中者若膳夫玉府內宰內史之屬士謂王宮中諸吏之適子也庶子其支庶也鄭司農曰庶子宿衛之官司農以庶子爲夏官

之諸子康成固不取之矣諸吏之適子或未為士不可謂之士康成以士為諸吏之適子亦誤也蓋士衛士也庶子國子之倖未為士者也上言士下言庶子則國子舉矣宮正掌凡宮中之官府次舍之衆寡宮伯掌士庶子授次舍之職事則宮伯所掌皆宿衛之人宮正所掌不特宿衛者而已次其宿衛所在也舍其休沐所在也八次八舍布於王宮四角四中則遠適節而徵候便矣士庶子非王族則功臣之世賢者

之類王以自近而衛焉則上下親而內外察矣又宮正稽其功緒糾其德行會其什伍而教之道藝宮伯掌其政令誅賞使之學問日進職業日修足以備顧問謹侍衛則王之左右前後孰非多聞直諒之士乎秦有郎中令掌宮殿門戶漢武帝更名光祿勳其屬有議郎中郎侍郎郎中凡四等謂之三字郎而中郎以下更直執戟內謹門禁外充車騎類取經明行修者充之至于公車特起賢良方正敦樸有道高節公

府掾曹試博士者多在此選而劉向霍光張安世東方朔揚雄之徒皆與焉是以董仲舒欲使列郡守二千石各擇其吏民之賢者歲貢二人以給宿衛且以觀大臣之能館陶公主為子求郎明帝曰郎官上應列宿出宰百里有非其人民受其殃則宿衛之選可謂重矣魏晉以後無復三字郎而光祿不復在禁中至梁改為光祿卿北齊曰光祿寺兼掌膳食帳幕而已唐為三衛五府以品官之子弟使父兄任保而後

處之亦古之遺制也

虎士五隸守衛之制

周垣下  
為區廬

周禮虎賁氏下大夫二人中士十有二人府二人史八人胥八十人虎士八百人虎賁氏掌先後王而趨以卒伍舍則守王閑王在國則守王宮

為周  
衛

國有大故則守

王門司隸掌五隸之法掌帥四翟之隸使之皆服其邦之服執其邦之兵守王宮與野舍之厲禁罪隸其守王宮與其厲禁者如蠻隸之事蠻隸掌校人養馬其在王

宮者執其國之兵以守王宮在野外則守厲禁夷隸其  
守王宮者與其守厲禁者如蠻隸之事貉隸其守王宮  
者與其守厲禁者如蠻隸之事師氏凡祭祀賓客會同  
喪紀軍旅王舉則從聽治亦如之使其屬帥四夷之隸  
各以其兵服守王之門外且蹕朝在野外則守內列保  
氏凡祭祀賓客會同喪紀軍旅則從聽治亦如之使其屬  
守王闔衛尉秦官掌門衛屯兵漢因之

漢舊儀曰衛尉  
寺在宮內胡廣

云主宮闈之內衛士於周垣  
下為區廬者若今之仗宿屋

景帝更名中大夫令後復



為衛尉又有長樂建章甘泉衛尉皆掌其宮職畧同而不常置張衡西京賦曰衛尉八屯李善曰衛尉率吏士周宫外於四方四角立八屯隋衛尉掌軍器儀仗帳幕以監門衛掌宮內屯兵唐龍朔二年改為司衛寺正卿咸亨中復舊唐之宿衛以府兵其番上宿衛者惟給弓矢橫刀而已兵部以遠近給番五百里為五番千里七番一千五百里八番二千里十番外為十二番皆一月上若簡留直衛者五百里為七番千里八番二千里十

番外為十二番亦月上高宗武后時天下久不用兵府兵之法寢壞番役更代多不以時衛士稍稍亡匿至是益耗散宿衛不能給宰相張說乃請一切募士宿衛更號曰彍騎自是諸府士益各不補折衝將又積歲不得遷士人皆耻為之十三年始以彍騎分隸十二衛總十二萬為六番每衛萬人自天寶以後彍騎之法又稍變廢士皆失拊循八載折衝諸府至無兵可教李林甫遂請停上下魚書其後徒有兵額官吏故時府人目番上

宿衛者曰侍官言侍衛天子至是衛佐悉以假人為童奴而人人恥之至相罵辱必曰侍官而六軍宿衛皆市人富者販繒綵食梁肉壯者為角觝拔河翹木扛鐵之戲及祿山竊發皆不能受甲矣

古之守衛王宮者不特士庶子而已有虎賁之虎士司隸之五隸虎士有卒伍而四翟之隸有兵國有大故則守王門舍則守王閑而司戈盾軍旅會同授旅賁及虎士戈盾則王之在國在野可謂嚴矣然必使

四翟之隸者以著王之所守在四夷也或使師氏之  
屬帥之者以著王之使武以文也四隸所守皆如蠻  
隸之事者周之時以南方為遠尤貴其來也掌四夷  
之官曰象胥而奏樂亦以南詩曰以雅以南  
記曰胥鼓南則周人  
之意可知矣士庶子所直在四中四角而虎士五隸  
之所直於經無見漢之衛士於周垣下為區廬而張  
衡有八屯之說則先王之制蓋亦如此


禮書卷四十四

欽定四庫全書


禮書卷四十五

宋 陳祥道 撰

禮書圖  
宸





庭





屏攝



展

覲禮天子設斧依於戶牖之間左右几天子衮冕負斧

依

依如今綈素屏風也  
繡斧文所以示威也

有司几筵凡大朝覲大饗射凡

封國命諸侯王位設黼依依前南鄉左右玉几

斧謂之  
黼其繡

白黑采以絳帛為質依其制如屏風  
然依前設席左右有几優至尊也

士虞禮佐食無事

則出戶負依南面書曰狄設黼展綴衣

展置戶牖間復  
設幄帳象平生

所為牖間南鄉詩公劉曰俾筵依几既登乃依

箋云公劉  
既登當負

展而立曲禮曰天子當依而立諸侯北面而見天子曰覲

明堂位曰天子負斧依南鄉而立荀卿曰居則設張容

負依爾雅曰牖戶之間謂之宸容謂之防

形如今床頭小曲屏風唱

射者所以自防隱

釋名曰依倚也考工記曰白與黑謂之黼爾

雅曰戶牖之間謂之宸

黼或作斧宸或作依則依欲其有所依黼明其有所

斷也

賈公彥曰依如屏風以絳為質高八尺為斧朝文舊圖從廣八尺畫斧無柄設而不用之意朝

於寢觀於廟射於郊學朝於明堂皆於戶牖之間設

之其制則左右有張容焉荀卿曰居則設容負張宸

容之為物蓋若唱射之容爾雅曰容謂之防郭璞謂如曲屏風觀此則天子張容之制可知矣然禮言負黼依則張容可畫黼矣詩曰既登乃依士虞禮佐食無事出戶負依南面蓋諸侯至士皆有依焉或畫或否不可考也掌次王大旅上帝張紈案設皇邸鄭司農曰皇羽覆上邸後版也鄭康成謂後版屏風與染羽象鳳毛色而為之孔穎達謂大方版於坐後此不在寢廟無宸不得云宸故別名皇邸然皇邸非宸類

也其說誤矣

宁

爾雅曰門屏之間謂之宁詩曰俟我於著記言天子  
春朝當宁而立則著宁一也大夫以簾士以帷則無  
屏矣詩曰俟我於著而大夫士預焉者蓋簾帷之為  
蔽限亦謂之屏

庭

詩曰不入我陳又曰中唐有甕爾雅曰廟中路謂之

唐堂途謂之陳堂與陳皆堂下至門之徑特廟堂異其名耳考工記曰堂涂十有二分鄭氏曰堦前若今令辟械也分其督旁之修以二分為峻蓋令辟即甃也械其道也中央為督峻其督所以去水

祀

書曰四人執戈夾階祀鄉飲酒設工席于堂簾聘禮陪鼎當內簾鄭氏曰側邊曰簾孔安國曰堂簾曰祀垂

書曰一人執殓立于東垂一人執瞿立于西垂史曰坐不垂堂孔安國曰東西垂者東西下之階上

檐

明堂位曰複廟垂檐爾雅曰檐謂之檐士喪禮為銘置于宇西階鄭氏曰宇梠也說文曰齊人謂之檐楚人謂之梠檐宇梠同實異名也夫轅末謂之宇疆境亦謂之土宇又謂之邊垂則宇與垂皆檐之窮也故轅末疆境取名也自屋言之曰檐自堂言之曰垂

檐亦

闌作

位

周禮司士正朝儀之位爾雅曰中庭左右謂之位禮  
記曰立而無序則亂於位家語曰列而無次序則亂  
於著左傳曰朝有著國語曰恪位著以敬其官又曰  
位宁有官師之典則著所以著其位者也人君之行  
也過位然後登車其入也過位則下典禮曰下卿位  
是也人臣過此必加敬焉語曰過位色勃如也



屏攝

會有表朝有著祭有屏攝皆明其位也周禮太史祭  
之日執書以次位常左傳稱鄭火子產使子寬子上  
巡羣屏攝至于大宮楚語曰屏攝之位韋昭曰屏屏  
風也攝如要扇皆所以明尊卑為祭祀之位近漢亦  
然鄭氏釋檀弓曰罍以布衣木如攝與釋喪大記曰  
漢禮罍以木為筐廣三尺高二尺四寸方兩角高  
衣以白布柄長五尺  
是漢亦名罍無攝也

雷

月令曰其祀中雷先儒曰中雷猶中室也古者複穴  
是以名室為中雷坊記曰喪禮每加以遠浴於中雷  
飯於牖下小斂於戶內大斂於阼阼遠於戶內戶內  
遠於牖下牖下遠於中雷則中雷為中室可知昔齊  
諸大夫之陳乞之家乞使力士舉巨囊至于中雷亦

中室也然禮有東雷

燕禮設籩  
雷中雷

有門內雷

燕禮賓執  
脯以授鍾

人於門內雷檀弓曾  
子弔於季氏設內雷有重雷

檀弓池  
內重雷

重雷非屋雷也

鄭氏注云堂有承雷以木為之用行水亦宮之飾也  
今宮中有承雷以銅為之孔穎達曰天子則四注四

面為重雷諸侯四注重雷則差降去後  
餘三大夫惟餘前後二士則唯一在前

禮書卷四十五

欽定四庫全書

禮書卷四十六

宋 陳祥道 撰

禮書圖

碑

禮碑

曰石

為之


鄭氏

釋聘


如堂

深

聘



門制



碑

碑石為之鄭氏釋聘禮曰設碑近如堂深

公食大夫禮庶羞陳于碑內庭實陳于碑外燕禮賓  
自碑內聽命聘禮醢醢百甕夾碑十分以為列賓自  
碑內聽命祭義曰君牽牲入廟門麗于碑士昏禮賓  
入廟門鄉飲酒賓入庠門鄉射賓入序門皆三揖至  
于階而三揖之中有當碑揖則諸侯大夫士之宮皆  
有碑矣鄭氏曰宮必有碑所以識日景引陰陽也凡  
碑引物者宗廟則麗牲焉其材宮室以石窋用木禮

天子之窆豐碑諸侯桓楹大夫二碑士無碑喪大魯記

之季也公室視豐碑三家視桓楹

鄭氏曰豐碑斷大木為之形如石碑

於樽前後四角桓之穿中於間為鹿盧天子四碑前後各重鹿盧也桓楹斷之如大楹耳四植謂之桓

窆碑如桓楹則宮室碑制可知

### 隅阿雉

春秋書墮郕墮費公羊曰邑無百雉之城雉者何五板而堵五堵而雉百雉而城記曰都城不過百雉鄭叔段居京祭仲曰都城過百雉國之害也先王之制



大都不過三國之一鄭伯之城方五里積千五百步  
大都三國之一則五百步也五百步為百雉則雉五  
步也步六尺則五步三丈也書傳曰雉長三丈鄭康  
成謂雉長三丈則板六尺是連五堵而為三丈也今  
夫雉之所處各有分域而飛不過三丈古者所以立  
雉制蓋取此也毛氏曰一丈為板五板為堵韓詩傳  
曰八尺為板五板為堵五堵為雉何休曰堵四十尺  
雉二百尺此皆不可以考

鄭氏曰長三丈高一丈

然板廣二尺

而雉高一丈此先儒之所同也考工記曰王宮門阿

之制五雉

高五丈

宮隅之制七雉城隅之制九雉門阿

之制以為都城之制宮隅之制以為諸侯之城制蓋  
門阿外也故庫宮隅內也故崇都城近也故庫以屈  
諸侯遠也故崇以伸

### 垣墉牆壁序

爾雅曰墉謂之墉詩曰崇墉言言易曰乘其高墉則  
墉墉之高者也儀禮於房室言墉

士冠禮陳服于房中西墉下大射西

夾六豆設于西墉下既於堂下言壁墻之卑者也鄉飲

夕記士東首于北墉下酒俎由東壁自西階升士虞禮饌饗在東壁時牲禮饌饗在西壁士冠禮冠者降自東階適東壁書

有東序西序爾雅曰東西墻謂之序則序堂上之東西墻也詩曰之子于垣百堵皆作書曰既勤垣墉春秋傳曰子產使盡壞其館之垣納車馬焉則垣宮室之外墻也考工記曰墻厚三尺崇三之則墻者垣墉之總名歟

門制

爾雅

扶結于謂之闔 棖謂之楔 樞謂之稜 樞達北方謂

之落時

門持樞者或達北棖以為固

落時謂之危 櫨謂之棧在地

謂之臬 又曰櫨謂之闌

門櫨

楣謂之梁 蓋界于門者楣

也 亦曰扶曰闔 中于門者閭也 亦曰闌曰櫨 旁于門

者楔也 亦曰棖 所以開闔者樞也 亦曰稜 樞上之橫

梁楣也 樞達北棟落時也 月令曰以修闔扇 爾雅曰

闔謂之扉 公羊曰齒著于門 闔左氏曰以枚數闔 越

語曰乃闔左闔荀卿曰予貢觀於魯廟之北堂復瞻

九蓋彼皆繼耶

蓋即闔也

則扇也闔也扉也其實一也鄭

氏釋月令謂木曰闔竹箴曰扇蓋對而言之然也禮

君入中門上介拂闔大夫中楨與闔之間士介拂楨  
入以自高為戒故賓不履闔君入中門諸侯相朝之  
禮也賓入不中門諸侯來聘之禮也凡入門而右由  
闔東左由闔西曲禮曰大夫士出入君門由闔右燕  
禮大夫皆入門右臣統於君也聘禮賓入門左賓伋  
於主也聘享公事也故入門而左所以致敬觀面私

事也故入門而右所以致親

### 賓館

周禮小行人凡諸侯入王則逆勞于畿及郊勞胝館將幣為承而擯司儀凡諸公相為賓主君郊勞交擯三辭

車逆拜辱三揖三辭拜受致館亦如之

鄭氏曰使大夫授之君又以禮親致焉

諸公之臣相為國客則三積皆三辭拜受及大夫郊勞旅擯

三辭拜辱三讓登聽命下拜登受賓使者如初之儀

鄭氏曰賓登堂聽命

也賓為擯勞用束帛擯用束錦

及退拜送致館如初之儀

鄭氏曰如郊勞也不擯耳

侯伯之臣致館于庭不言致食者君於聘大夫不致食也環人掌送逆邦國之通賓

客以路節達諸四方舍則授館遺人五十里有市市有  
候館候館有積詩曰于豳斯館聘禮大夫帥至于館卿  
致館賓迎再拜卿致命賓再拜稽首卿退賓送再拜記  
曰卿館於大夫大夫館於士士館於工商雜記曰凡為  
君使而死公館復私館不復公館者公宮與公所為也  
私館者自卿大夫以下之家也禮運曰天子適諸侯必  
舍其祖廟覲禮侯氏至朝天子賜舍

鄭氏曰賜舍猶致館也所使者司空

與小行人  
為承攬

曰伯父女順命于王所賜伯父舍

此致侯氏

再拜稽首攬之束帛乘馬

王使人以命致館無禮猶攬之者尊王使也侯氏受館於

外既則攬使者於內

國語曰襄王使太宰文公及內史興賜晉文

公命晉侯郊勞館諸宗廟

韋昭曰尊王命也

單襄公曰敵國賓

至卿出郊勞司里授館

聘禮卿致館

左傳

襄三十一年

子產相鄭

伯以如晉晉侯未之見也子產使盡壞其館之垣而納

車馬焉士文伯讓之子產曰僑聞文公之為盟主也宮室

卑庫無觀臺榭以崇大諸侯之館館如公寢巧人以時



填館宮室諸侯賓至旬設庭燎僕人巡宮賓至如歸今  
銅鞮之宮數里而諸侯舍於隸人門不容車而不可踰  
越若又勿壞是無所藏幣以重罪也趙文子曰信晉侯  
見鄭伯有加禮乃築諸侯之館

古者天子巡守館於諸侯之祖廟禮記曰天子適諸  
侯舍於祖廟是也王人出聘亦館於諸侯之廟國語  
曰襄王使太宰文公及內史興賜晉文公命文公館  
諸宗廟是也若侯氏之朝王列國之相朝聘則不必

館於廟故覲禮侯氏至天子賜舍春秋傳曰文公之  
為盟主也崇大諸侯之館館如公寢聘禮記曰卿館  
於大夫大夫館於士士館於工商雜記曰凡為君使  
而死公館復私館不復公館者公宮與公所為也私  
館者自卿大夫以下之家是也鄭氏曰館者必於廟  
拘矣禮既授賓館則從而致之故諸侯相朝主君致  
館諸臣相聘卿致館主君致館必有幣賓繼主君亦  
然司儀云諸公相為賓主君郊勞三辭拜受拜受受

幣也致館亦如之賓繼主君皆如主國之禮是也若天子之於侯氏賜舍則無幣而侯氏猶儻賜舍者以束帛乘馬尊王使也諸侯之於聘賓致館亦無幣而賓亦不儻致館者降君禮也鄭氏釋司儀謂致館如郊勞不儻耳及釋聘禮則曰主人以上卿禮儻之賈公彥於司儀言致館無束帛賓亦無儻於聘禮言以上卿禮明有束帛可知是自戾也

庭燎

詩庭燎美宣王因以歲之而言夜未央庭燎之光夜未

艾庭燎晰晰夜向晨庭燎有輝

毛氏曰庭燎大燭也

郊特牲曰庭

燎之百由齊桓公始也

庭燎之差公蓋五十侯伯子男三十正義曰此數出天戴記也

百者皇氏云作百炬列於庭也或云百炬共一束也

又曰鄉為田燭

田燭田首為燭也

少

儀曰主者執燭抱燋周禮宮正宮中廟中則執燭司烜

氏凡邦之大事共墳燭庭燎

墳大也樹於門外曰大燭於門內曰庭燎正義曰庭

燎所作依慕容所為以葦為中心以布纏之飴蜜灌之若今蠟燭百者或以百根一處設之或百處設之若人

所執者用荆燋為之執燭抱燋曲禮云燭不見跋是也

周語太宰文公及內史興

賜晉文公命上卿逆於境晉侯郊勞館諸宗廟饋九牢

設庭燎單子謂定王曰敵國賓至甸人積薪火師監燎

火師司火燎庭燎也

左傳曰諸侯賓至甸設庭燎燕禮甸人執大

燭於庭

在手曰燭在地曰燎故禮於燭言執於燎言設而已

古者祭祀朝覲賓客皆用庭燎而司烜凡邦之大事

共墳燭庭燎則非大事之所用者不必司烜所共也

庭燎之差天子百公五十侯伯子男皆三十此蓋其

所設之數也先儒謂庭燎所作依慕容所為以葦為  
中心以布纏之飴蜜灌之若人所執者用荆燠為之  
於理或然漢志秦以十月上宿郊見通權火張晏曰  
權火燔  
火也其法類稱  
故謂之權火漢祀五時於雍五十里一蕢火而後  
世祭祀或祖而用焉非古也

### 市制

易曰古者日中為市致天下之民聚天下之貨交易而  
退各得其所蓋取諸噬嗑內宰凡建國佐后立市設其

次置其叙正其肆陳其貨賄出其度量淳制祭之以陰

禮

左立朝而右立市陰陽相成之義次思次也叙介次也祭之以陰禮市中之社先后所立社也

遺人

五十里有市市有候館司市掌市之治教政刑量度禁

令以次叙分地而經市

次謂吏所治舍思次介次也若今市亭然叙肆行列也經界也

以陳肆辨物而平市以政令禁物靡而均市以商賈阜

貨而行布以量度成價而徵債以質劑結信而止訟以

賈民禁偽而除詐以刑罰禁讎而去盜以泉府同貨而

斂賒大市日昃而市百族為主朝市朝時而市商賈為

主夕市夕時而市販夫販婦為主凡市入則胥執鞭度  
守門市之羣吏平肆展成奠賈上旌于思次以令市市  
師泣焉而聽大治大訟胥師賈師泣于介次而聽小治  
小訟質人掌成市之貨賄人民牛馬兵器珍異塵人掌  
斂市絀布總布質布罰布塵布而入于泉府胥師各掌  
其次之政令而平其貨賄賈師各掌其次之貨賄之治  
司廛掌憲市之禁令司稽掌巡市而察其犯禁者與其  
不物者而搏之胥各掌其所治之政執鞭度而巡其前



肆長各掌其肆之政令泉府掌以市之征布歛市之不  
售貨之滯於民用者司關掌國貨之節以聯門市量入  
營軍之壘舍量其市朝州涂軍社之所里匠人營國面  
朝後市市朝一夫禮記檀弓曰歲旱穆公召縣子而問  
曰徙市則奚若曰為之徙市不亦可乎王制曰有圭璧  
金璋不粥於市命服命車不粥於市宗廟之器不粥於  
市犧牷不粥於市戎器不粥於市用器不中度不粥於  
市兵車不中度不粥於市布帛精麤不中數幅廣狹不

中量不粥於市姦聲亂正色不粥於市錦文珠玉成器  
不粥於市衣服飲食不粥於市五穀不時果實未熟不  
粥於市木不中伐不粥於市禽獸魚鼈不中殺不粥於  
市冢宰齋戒受質大樂正大司寇市三官以其成從質  
於天子家語衛莊公改舊制變宗廟易朝市高子問於  
孔子曰周禮繹祭於祊祊在廟門之西前朝而後市今  
衛君欲其事事一更之如之何孔子曰繹之於庫門內  
祊之於東方朝市於西方失之矣左氏昭二年鄭子皙

請以印為褚師杜預曰市官也孟子曰古之為市也以其所有易其所無者有司治之耳有賤丈夫焉必求龍斷而登之以左右望而罔市利人皆以為賤故從而征

之征商自此賤丈夫始矣

風俗通曰市恃也言交易而退恃以不匱也古史考云神

農作市高陽氏衰市官不修祝融修市又市巷謂之闌市門謂之闌巷門謂之闌市中空地謂之廛市樓謂之旗亭西京賦云旗亭五里

先王之居也左聖向仁右義背藏嚮仁故面朝背藏故後市朝王所建市后所立市之制其廣一夫其位

三方其旁有門分之以廛列之以肆有泉府以歛賒  
有思次介次以治訟其祭有禮其徙有時古之言市  
者必曰市井若詩曰歌舞於市井士相見禮曰在邦  
曰市井之臣齊語曰處商就市井揚子曰市井相與  
言以市必同井故也何休曰因井田以為市風俗通  
曰人有所鬻必濯於井上然後至市二說不知何據  
然也賈公彥曰三市皆於一院內為之大市於中朝  
市於東夕市於西則市之所設豈非陰陽自然之理

哉衛之時朝市之於西方失之矣古之治市也每肆一長二肆一胥五肆一司稽十肆一司譴二十肆一賈師一胥師其法有治教政刑量度禁令而君夫人世子命夫命婦不得過屬遊飲食者不得行鬪鬪譴亂出入相陵犯者不得作圭璧金璋犧牝祭器戎器與不中度量不中殺伐之類不得粥其犯禁者司門舉之於門賈人舉之於市搏之以司稽察之以胥師然後治於司市其附于刑則歸于士凡以阜民財一

民行而已此所謂以義為利不以利為利也然市不  
特立於國中而已遺人五十里有市市有候館量人  
營車之壘舍量其市朝州涂軍社之所里則道路之  
與軍師亦有市矣天文心為明堂東北曲十二星曰  
旗旗中四星曰天市中星衆者實其中虛則耗此市  
之象也

禮書卷四十六